

南海先生集

初編

二

燧

和名  
1387  
2

早稻田大學附屬  
圖書館

第一寄

漢詩文

第 415 號

第 2 卷

此書館不外許帶出





和  
1987  
2



南海先生文集卷之二

紀府 田中由恭履道輯錄

今禮堂十八辭杯浪華東然葛五張鄴子琴校閱

凡五言律 茶於茶立水林漫歎羅剎爽香對斷草

新鶯出牆 錦里會宿題

遲日千門曉流鶯啼曙光笙歌傳上路簷影出宮牆

幽谷飛猶怯喬林曲未央憐猶知己少相喚入垂楊

楓葉待霜 同上

鉛華催玉女丹樹換青楓銀渚露初結錦川霞未濃



半林知負日，一葉惜因風。帳望吳江曉，夜來波上紅。

荷花 同上

清艷池塘曉，天香遠不濃。欲開先攢紫，未謝便銷紅。仙母瑤池月，江妃玉佩風。明朝秋至後，零落敗荷同。

寒梅 同上

凡卉皆搖落，芳姿立水村。影橫羅幌瘦，香撲酒尊翻。冷艷雪千片，精神月一痕。愁憑玉樓曉，羌笛斷冰魂。

望富士

雪花五六月，天上金芙蓉。波濤搖半影，日月避中峰。

神仙不可見，萬古滅其蹤。何當鍊金液，羽化巢雲松。

木恭靖公與諸子見臨恭次嚴韻

洙泗淵源久，關西道德聞。摳衣披白日，函丈仰青雲。

仙藻虹霓落，羽儀鸞鳳群。還將雕朽質，愧比豫章文。

附木公賜韻

瑜時年十八前後一夜百題成

十八山東妙，聲名世共聞。危言甜若蜜，藻思湧如雲。人稱斗南一馬空，冀北羣百篇不終日行看任

斯文

琴月窻小飲次弟翰韻二首



玄談屬長夜，猶惜酒杯乾。  
玉露浮香簟，金風收畫團。  
人嬾俱高枕，蟲鳴近傍欄。  
醉淺吟情索，詩成北斗殘。  
秋興多竒咏，硯池恐屬乾。  
酒樽傾綠盡，燈火結花團。  
露竹滴書案，風梧度井欄。  
莫言吟料盡，礎杵曉猶殘。

賦燈火

愛爾山齋夜，螢螢結作團。  
酒醒蕉兩滴，琴罷竹風寒。  
一點丁香大，五更金粟攢。  
通宵報何喜，空伴漏聲殘。

移居青山

東都非我土，林下且清閒。  
雲薄窗中樹，雪晴天外山。

一丘稱吏隱，斗酒解心顏。  
多病只須養，柴門幸晝關。  
田子信過次韻

把酒吾且歌，吟詩君勿去。  
一臥觀物情，三酌忘塵慮。  
河近牛女秋，月落烏鵲渚。  
多年諳嬾性，林坐好隨處。

石溪崑子有幽懷詩五首聊依其體和以贈

之子事高尚，郭門且結廬。  
蒼苔孤石在，野竹十竿餘。  
榮辱愛官冷，交遊任世疎。  
興來時獨酌，雨絕夜牕虛。  
獨酌爾相得，一言惟自陳。  
清秋風送鴈，永夜月隨人。  
萬里雲山意，百年土木身。  
薄言琵琶曲，流水與吾真。



年華流水，客子未還歸。秋月良如此，春花亦莫違。  
青雲官路邈，白日鬢毛非。悵望林丘趣，長空孤鶴飛。  
孤鶴自南海，其如萬里悠。一為梁苑客，十度武昌秋。  
日月有書劍，江湖無釣舟。自羞微祿縛，回首望滄洲。  
長路滄洲趣，浮雲魏闕情。文章竟何事，儒服誤吾生。  
多病拚司馬，高才忌福衡。偶然和古調，淚下曲難成。

陽春曲

三春行樂地，韶華溢芳甸。楊柳亂如絲，落花飛若霰。  
絲竹發清音，閒關樛鳥轉。芳與羅綺，今日何相戀。

古寺卽事

行尋水西寺，一路石泉飛。古殿時聽梵，孤雲晝掩扉。  
鴈餘危塔去，鶴識古松歸。欲問前朝事，暮烟入翠微。

雪後殿直

雲飛畫戟森，殿閣竊陰陰。雪金爐煖日，高玉漏深。  
繡衣宮草惹珠履，砌花侵拜賜。名俱在空，羞報國心。  
將歸南紀次，韻畱別田子竹園。

醉裡泣相別，誰知交誼偏。別離乍明日，歡會復何年。  
水落河梁淺，雨晴驛樹連。莫言音信少，秋後雁南翩。



蓮池涼雨

玉淑荷風起，瑤池片雨飛。裙飄越溪女，機濕洛川妃。  
香氣含涼遠，葉心轉露微。輕雲無處所，新月透紅衣。

過瑞聖寺

山號紫雲

香界規模盛，法筵佛現時。龕中禪坐久，天上梵音移。  
國土無生死，江山有住持。紫雲東海上，影照蘂林枝。

哭石處士

名學魯自號鼎菴  
又號琴松居士

栖栖石處士，名以草書傳。一灑興何逸，數行醉更顛。  
蕭疎秋竹雨，蒼勁孤松烟。逝矣杯中物，羞之不及泉。

水村寒梅

後復有同題

抱節依村野，嫁期柰歲闌。酒醒粉臉淡，夢斷香魂寒。  
標■月中鶴，風流鏡裏鸞。誰將水底影，試向畫中看。

賦雲

諸子同賦皆用文韻姑據餘字以押

點綴雖遮月，禎祥亦不憂。垂天鳳軒翥，霾洞龍蠢蝓。  
青接仲容器，白橫漢武汾。山中勿獨愛，為我寄殷勤。

書懷寄宮子來

幸逢達者識，恐為俗人譽。千歲無知己，此情難盡書。  
江關春樹綠，葛嶺暮雲舒。但有德音屢，願言慰索居。



三浦公有琵琶名秋江屬予賦詩以書

琵琶得佳名似夜聽江聲淒淒石瀨走瀲灩風湍驚

四絃與一撥誰寫自然鳴彈罷秋江曉鴈飛霜月橫

青絳色

王業新創服洛塵久染衣祥雲捧日動春雨帶花飛

溫溫玉比德皎皎月鑑幃更有江頭草王孫遊未歸

影

元植斗圭直不嫌曲筇斜風旗飄白鵲星劍動青蛇

曙日鴉辭樹清江雁落沙但愁明鏡裏霜鬢未還家

泉

鬻沸高源出洄公危石尖岩花春暮帶山雨夜來添

清冽酒宜釀潺湲琴可兼汚名渴不飲千歲想清廉

柑

黃柑南土出枝葉亦婆娑結子五六月金丸霜後多

可同橙供客不若橘除病若不及時採其如敗絮何

筆

貴重伐秦日殊恩賜管城質須膠漆固衣借毳毛成

龍鳳毫端躍雲烟紙上生誰傳夢中贈江淹獨知名



朝晚各西東，半青又半紅。巨天望自近，拔地看還空。  
大壑歸雲外，孤村片雨中。長橋如駕去，天路好相通。

氤氳平野合，掩靄斷橋飛。草色朝迷望，柳條晚自揮。  
藍田玉正暖，丹竈火方圍。不似春江霧，能霑行子衣。

雪次雷泉韻

千山飛雪合，寒逼鷓鴣裘。天上素鸞舞，月中白玉樓。  
陰凝未散，歌館煖先流。為報剡溪客，一尊載夜舟。

海次鶴渚韻

浩蕩應無地，動搖涵太清。蜃樓聚乍散，鼉窟陰還晴。  
萬里一帆過，三山孤鶴橫。何堪商舶夜，客枕聽潮聲。

月次南郊韻

涼榭徹銀燭，雲牕開鏡光。清暉學團扇，流影透琴牀。  
滿地雁迷雪，半橋馬度霜。酒醒海樓曉，碧霧襲衣香。

霞次福川韻

春甸籠花暖，秋江映鳥微。禎祥雲借色，文采日成機。  
天末樓堪目，杯中酒正肥。赤城相望舊，誰克翻身飛。



天木地勢目中西五明赤赫昨壁蒼龍文隨長  
 五色頌茅土九州分井田寧能洩河海但恨異風煙  
 蒼蔚朝雲上芊綿春草連誰言立錐小可以配堯天  
 萬石驚遊獵五更應漏聲度波疑鯨吼報夜逐雞鳴  
 長樂花香動豐山霜氣清宮中君慎鼓宮外耳方盈  
 斑斑鴈鴣巧擘擘珊瑚髻無事泰山穩逐仙寰海周  
 恩憐董賢袖耳洗子荆流更宜苦吟客未肯換登樓

竹  
 曾向山陰識羞隨俗者棲春嵐晚霽染秋露曉寒啼  
 歌醒玉釵擊詩狂絲筆題更憐風雪夜可耐歷窻低

木芙蓉

此花朝開夕落

遺却凌波襪何時開樹端練江濯仍膩玉露染難乾  
 宿醉曉初醒根紅晚更攢嫦娥為相妬不許月中看  
 燈花

春透紗籠暖草心花自抽光照金鸞蕊暈虹玉釘頭  
 疎鐘孤館夢寒雨五更愁永夜落還結不同華燭流



鴈聲

半夜蕭蕭鴈，遙傳塞外音。  
一聲寒月白，相喚陣雲深。  
悲帶蘓卿淚，淒交盧女碁。  
斷腸思歸客，非獨峽猿吟。

賦得三

地理楚郊大，江流巴字分。  
仙山峙鼇背，台座仰星文。  
通達難兼德，皇風已失墳。  
但應蔣詡逕，蕙月醉花芬。

賦得寒村幽事多

荒村野橋外，落日倚紅藤。  
石出漁梁淺，雪晴年穀登。  
舟橫立篙鳥，鐘暝返山僧。  
紡績東隣夕，螢螢竹裏燈。

松江卽事

鳩啼山寺靜，客過石龕邊。  
雲暗村村樹，帆愁浦浦船。  
菜畦侵雨摘，石枕聽濤眠。  
爲喜桔槔子，不勞灌渚田。

秋晚得蟲字

惜春猶昨日，倏忽送秋風。  
碧瓦霜初白，青林葉乍紅。  
壯心惟醉裏，世事半塵中。  
綠鬢誰能駐，不堪聽訴蟲。

送鶴渚子東行

花飛南浦暮，送君兼送春。  
春去鶯還語，君行誰與親。  
交情在山水，同鄉况並隣。  
休嗚希逸賦，千里共孤輪。



南史顏延之讀謝莊月賦曰美則美矣但莊始知隔千里兮共明月

春日天曜寺呈廣僧正

荆溪智水傳台嶠瑞雲連園闢金精舍花藏銀洞天  
烟波迷度鳥野廟哭啼鶻老病醉中失來遊須判年

秋日遊明光浦

東南山水美未有若明光惜乎數千歲奇語無一章  
吾今傲雲月斗酒搜枯腸安得李太白百篇共商量

壬子初秋飲秋香亭賞木蓮得平字

昨夜芙蓉兩紅妝秋艷明會期文字飲因暢煙霞情

雅素得良友歡娛屬太平江南素佳麗何羨錦官城

席上呈主人勇濂與焉

同招嘉樹賞為故早涼筵文酒逢知己騷盟尋往年  
芙蓉錦作地蕉葉綠成天羞携老牛犢相對芝蘭賢

松江禪菴探題賦得僧家月

銀蟾澄寶地玉露浸金田彩射毫光直輪籠禪影圓  
更深桂子落境寂木魚懸試問秋懷曉虛空何處天

桂花

淮南有桂樹其臭賽幽蘭鳳葉虬條曲瑤華金粟攢



唯應天上種，宜就月中看。未借吳剛斧，一枝欲斫難。  
水村寒梅

風霜同皎潔，籬落護香溫。野水斷橋路，微雲斜月村。  
清過竹惟友，愁極玉銷魂。自抱苧蘿美，不論金屋恩。  
冬夜小集次鶴渚兄韻

六七煙霞侶，十千琴酒遊。素心王貢舊，玄超許支流。  
梅蕊知春近，燈花愛夜脩。盤飧莫言薄，淡泊是林幽。  
富嶽

十萬八千丈，天台難比肩。四時常有雪，絕頂只生烟。

紅霞迎佛日，白石餘媧天。人傳遼海北，時時望華巔。

官庫有萬曆中製輿地圖一幅載我邦國類  
詳內有富士記曰高五十里世傳人登最  
高頂半夜望海日中有三佛像云  
又云兀良哈天晴遠見富嶽

春日天曜寺席上用花字

一春好風日，今日更何加。會友唯應酒，消愁莫若花。  
萬樹皆疑雪，千山半帶霞。復云四美具，不恐歸途賒。  
明見寺得下字

麥浪雨初晴，林居花半謝。樹色正蔥籠，禽聲又上下。  
紺宇愛無塵，良朋喜有暇。佳景多高咏，安忍獨自啞。



閏月養珠寺席上得日字

玉島行徘徊，琳宮鬱翠峯。春事添三十，友情得六七。  
江山籠薄霧，花柳嬌晴日。平生萬斛塵，頓向杯中失。  
再用日字做齊梁體

花雨餞紅晨，柳風擲綠日。玉嵐遠近昏，琪樹高低密。  
吟朋緇兼素，交歡膠投漆。誰揮魯陽戈，薄控勾芒蹕。

寒玉亭次鶴渚韻

山亭宜四序，偶坐得心齋。村遠竹圍屋，巖幽花映階。  
何日卜鄰舍，寄跡脫塵懷。窮歲亦須過，不憚徑雪埋。

何處秋香亭，限漏三刻各賦三題其一聽雁

枕上數聲雁，嗷嗷助我哀。鐘邊和月落，石外逐風來。  
夢覺惟燈火，詩成誰酒杯。憶昔武關曉，旅愁驚幾回。

丁未暮春北溪寒玉亭送春

今年有閏

風光去何急，相送暫延歡。綠暗禽聲潤，花飛蝶夢寒。  
加春一月短，買笑千金難。少壯休相訝，白鬚仔細看。

詩題為吳湘翁咏菊

翁性多猜忌詩意暗諷

可憐節後菊，幽艷老林園。露泣秋風淚，霜招月夜魂。  
東籬人已去，甘谷香難存。明日凋零盡，誰醺彭澤尊。



螢火去甘谷香... 孤飛長信殿萬斛景華宮夕飲芙蓉露曉流楊柳風  
惟應照岑寂何必上青空隨意涼池上高低西又東  
與諸子遊榮谷分題賦得冬嶺孤松

詩意咏宗古松宗古松在葛嶺西梅村上

矯矯嶺頭樹亭亭天外條根元在僻境名獨自前朝  
偃蓋雲常抱貞操霜不凋英雄亦陳跡萬古望峒堯  
妓家雪戲做香山  
何處雪中好雪中妓女家朱簾映捲月寶髻點簪花

冰解爐香暖風回舞態斜朝來恐人跡莫輟七香車

大窪谷賞梅

梅花滿逕雪客袖不知寒竹葉盈尊綠詩腸不忍乾  
優游忘老至行樂似春闌多少來游客何人吟裏看  
碧巖精舍得寺字

又次鶴渚韻

吟行北山下渡水多勝事迴磴翠生衣幽巖花繞寺  
雲夢溪蝶圓風韶山鶯議喜逢晴明日卯天雲無瘴  
雪萼依雲根風條懸野馬菜麥連如雲青黃互界野



堪老山中何處似花下自笑來遊稀塵埃非常嫁

中嶼池亭得水字 明見寺

小院依深樹曲欄臨碧水枇杷金彈結芰荷震盂峙  
鳥語詩韻和蛙鳴鼓吹是此地太清幽恨來不早耳

奧野氏伊原水亭

樓臨伊水上舟過綺櫳間市隱兼漁隱身閒愜境閒  
烟縫遠近樹雲疊高低山千歲養病處豈惟世外寰

和鶴渚初夏山居韻以酬

無心償酒債有興招詩魔步為衣輕健睡因客少多

新晴嬉鳩喚嫩綠醉鶯歌高友有書札珍藏比換鵝

中秋鶴仙柳橋二子與男濂泛舟至琴浦予徒

步後至途中口號此夜予有琴浦玩月歌載七

言古詩中

相追舟上客走至巖頭橋 橋名在雜賀南回首驚新月聞鐘

逐暮樵盧花江雪點桂子天香飄吟步老來緩澄輝

欲為邀

筑前州觀海亭八景

荒津夜雨



玄海鼉爲窟，白沙龍作洲。腥雲挾蜃氣，亂雨打潮頭。  
燈火千檣夜，砧聲萬戶秋。不堪篷底聽，海若夢猶愁。

博多歸帆

霸臺商舶湊，中嶼福山鄰。歌館偏宜月，酒樓別有春。  
歸帆懸落日，遠影指雲津。爲問扁舟子，陶朱今幾人。

箱崎晴嵐

宮牆日初上，嵐彩映新晴。紫翠染衣潤，淡濃學畫成。  
平沙洗宿雨，林木弄餘清。寂寂空壇路，午鳩時一鳴。

橫嶽晚鐘

酒醒江亭晚，斜陽水寺鐘。一聲出古殿，十里度青松。  
好與海潮和，不妨烟浪重。方憐迎新月，餘響入雲縫。

竈山暮雪

竒峯飛雪影，神宇通星纏。珠滿寶山樹，玉生丹竈烟。  
芝雲朝白帝，花雨奉金仙。都府名空在，登臨憶昔賢。

若杉秋月

山接廣寒宮，正當觀海東。峯頭挂明月，鏡彩落江中。  
丹桂迎垂露，青杉長帶風。玉人倚欄夜，興與庾樓同。

名島夕照



金霞鴉背日，火樹鰲頭山。宮照蕊珠殿，檣明玉笋班。  
 飄石壁外，忽沒波濤間。悵望戰爭地，昔人去不還。  
 柰多落鴈

極浦聲聲斷，長空字字斜。秋風度菱岸，煙月在蘆花。  
 應媿逐香稻，獨憐弄玉沙。誰知能擇地，鄰下水雲家。

露竹題自寫畫

檀欒池上竹，清曉露華滋。碧玉光逾潤，翠鸞羽更垂。  
 瀟瀟疑雨滴，點點帶風危。塵垢琅玕濯，恐題俗者詩。  
 東海觀日為淡州龍潭禪師賦

天雞鳴半夜，日出扶桑東。潮湧風雷吼，霞升天地紅。  
 仙宮島嶼現，蜃氣樓臺空。晞髮誰家子，光芒射碧瞳。

長松夏寒

綠黛千年古，清陰六月寒。虬龍仆池面，風雨在雲端。  
 睡衰裝綿絮，談餘忘素紈。冷愁誰共善，萬丈青琅玕。

送林肇斌携家移東都二首

君行肇東路，東路我曾踪。千里長浴海，兩行只見松。  
 河寒水初淺，嶽霽雪逾重。不等轉蓬客，晨昏好自恭。  
 君去空留我，去留有逕庭。滿頭因俗白，雙眼為誰青。



夸養行多日，江山看有靈。分襟河水許，勿怪飲能醒。  
次木三溪韻贈吳相翁

潮聲北渚口，樹色南雲邊。自是亭臨水，不憂暑若煎。  
身兼濟勝具，門繫遊山船。平日買風月，非空費萬錢。

贈北山隱者

朗觀浮世事，塵埃不著毫。人間大藥在，天上少微高。  
鳳思翔三島，鶴鳴冲九臯。悠然隨物化，未必賦離騷。

胡笳曲

諳得胡笳苦，邊城未解圍。幾年寒月裏，不許夢魂飛。

哀響挾霜厲，酸聲入骨微。斷腸非白刃，淒絕誰生歸。

二月初五，諸君有明浦之約，阻雨，飲鶴渚，韻皆

用助語

可歎明湖棹，空回為遠而。雨聲來相妬，春色去何之。  
四美良難具，百年亦若斯。燈前且鳩首，不問夜何其。

春雨飲蓉洲宅

茅屋依中嶼，桃花鎖小門。孤蒲一灣浪，楊柳數家村。  
白日惟啼鳥，青春獨酒尊。寂寥揚子宅，客過亦忘言。

春日遊碧巖山寺途中口號



行吟芳草地，遙訪白蓮宮。野老乘晴聚，溪舟得雨通。  
菜花薰正午，麥浪疊微風。留飲北山下，宛然圖畫中。

次丹陽山梨溪寄贈韻

十年千里別，尺素一鴻來。姓知因遁變，緘乍與愁開。  
牛渚中秋舫，龍山九日杯。後期復何日，往事日悠哉。

丙寅中秋二首

不料桑榆暮，復逢桂樹圓。秋思杯滿外，往事月明前。  
賦憶西園客，歌聽牛渚船。吟朋今已盡，清影為誰妍。  
三五良宵月，照歡又照憂。江湖鴻雁夕，天地桂花秋。

惟雪堪同望，無人<sub>レ</sub>不倚樓。如何多病老，無酒亦無游。

送春

用昌黎體

幻芒回馭日，餞者及江濤。浪麥平瀰野，霰英紛下林。  
赤霞餘日影，黃鳥助人吟。老壯共同醉，離情孰淺深。

賦得露結為霜

中間二聯  
說出結字

仙掌半天露，神鑪滿地霜。三秋結金液，一氣鍊瓊漿。  
非借素娥影，全疑青女妝。誰知君子思，曉夕倍淒愴。

重浴鉛山泉二首

節方臨穀雨，風已謝蘋花。來往禮山客，高低晒網家。



銀沙白浪積，玉液丹崖竄。獨有桑榆病，不同杯裏蛇。

時熊峯燒香者滿路肩摩

泉騰金寶氣，山孕水精苗。日月西東海，風雷旦暮朝。  
一豎跡已遁，三山路不遙。新知同病客，傾蓋便相邀。

石竹花

不恥倚階砌，濃纖亦一叢。雲根團點雨，竹節弱臨風。  
金屋阿嬌幼，錦機蜀女工。細微君莫棄，蕭艾豈能同。

藤花

休言間色賤，可貴殿餘春。況復長松上，托根得所親。

垂縷欲濯水，向熱未依人。正是朱明節，擅場別麗辰。

西瓜

菰中碩莫若，暑日功誰加。虹霓彩隨刃，冰霜涼沁牙。  
子傳黑齒國，皮稱綠沈瓜。吾體雖堪轉，赤心豈可差。

菊

春卉豈無侶，秋光知有由。不憚風霜苦，其如月露愁。  
鶯衣金作縷，鶴氅雪為裘。陶屈惟餐採，真賞又誰求。

結一作採餐陶與屈誰也賞芳幽○唐宋以來文人賦菊必用屈原陶潛以為愛花之知已予考離騷陶詩曰採日餐不聞夢花之語此詩故云



菊頂禽應久野君需

鵝裳不用羨頭上黃花冠  
飢啄東籬下渴飲甘谷干

金鈿獨自愛纈纈誰繡殘  
微禽君勿笑榆枋一枝安

春安藤公弄璋嘉筵僕疾不能拜  
賤息濂特蒙恩

招恭裁一律敢謝執事

世家彌月燕天瑞賜祥麟  
稷下三千客斗南第一人

芝蘭菊俱秀玉樹梅先春  
豚犬亦何幸仙醪醉令辰

蒸浴詩并引

浴室製依甌樣蒸體代浴俗名乾風爐古不

聞有此華人之書未載其名蓋近世之製也

予嘗好之比之湯浴清潔雅致過焉第為其

浩費世人鮮有設者吹上院主嚴師與予同

好嘗設之招余以浴喜賦一篇以贈

禪宮元潔淨蒸室更清新  
鬢沸香湯躍氤氳煖靄春

誰知塵裏客坐作雲中人  
離垢襟懷爽併茲證水因

楞嚴有菩薩入浴室證水因者○賦此已後  
七年予新設浴室其製全仍吹上製嗚呼此  
時嚴師既寂矣誰與語其趣  
其浴室之詩載七言律云

齒脫



驚臨勲業鏡，笑作韶年看。唼訝狗竇闊，參錯雁橋殘。  
春色舌猶在，風吟脣未乾。縱能保牢固，白石遂難餐。

奉酬羽林小倉公次賜韻

西京詞賦伯，今有小倉君。祕思抽如繭，芳情藹若雲。  
地連畿甸，樹天仰將星。文傳有英靈，選高評希與聞。

霜夜鐘聲

霜白豐山夜，沈沈玉漏分。一聲樓外月，數里水西雲。  
野店雞傳曙，沙汀鴈喚羣。愁人耿不寐，何忍枕頭聞。

畫山水

春山已可入，春水已堪浮。馬過池塘草，人呼柳外舟。  
微茫辨雲塔，憇息得烟樓。相待携琴客，倚欄數白鷗。

題江天欲雪圖

江天漠將晚，渡口人行稀。島嶼布帆白，漁村烟火微。  
饑鳥噪枯柳，凍鷺立寒磯。溪路誰家子，尊中得酒歸。

蓮池納涼明見寺閣上賦

蓮葩映玉沼，閣影臥銀漪。非但清凉地，焉知皎潔姿。  
商風扇上尚，娥月尊前埃。磊塊良堪沃，香浮金屈卮。

和木滄洲明浦登臨作



高閣覽千古，秋晴散紫氛。黃陵野廟樹，白鶴仙壇雲。  
山勢霸圖壯，潮痕斤鹵分。更懷江浦曉，瑤瑟月中聞。

杜鵑

故國有何遠，蜀山猶自憐。千聲暮雨裏，萬恨落花前。  
百舌寧同巧，流黃未共遷。誰知知己少，泣血度年華。

再會中嶼池亭此日雲嶠為主

經過未旬日，水檻重凭時。牆訝新抽笋，花尋前度枝。  
識客林中鳥，聽詩葉上龜。今朝主人異，更比習家池。

贈不白禪師

不白師圓通居角虎山  
通師獨湛居獅子林

奕葉獅林秀，宗風角虎男。扁舟環海外，一鉢亂山南。  
吟意雲隨杖，禪心月照潭。不論窮僻境，彌勒正同龕。

養珠寺賞垂絲櫻花

夜來新雨足，枝放十分妍。萼萼比梨暖，條條借柳懸。  
寺稱地勝，粲客醉花豐。年但恐暴風，夜正逢寒食。前

用前韻謝上人

華臺枕芳甸，寶樹靄韶妍。明媚春山淡，微茫烟海懸。  
四時宜二月，一日是千年。醉倒落潮曉，不愁撓巨前。

送關明湖之東都



之子蓬桑志，離憂爲老親。羊腸須戒馭，桃洞莫迷津。  
富士山雲曙，琵琶湖上春。江東風氣異，衣食慎時珍。

華亭送管錦溪東行  
夫子會嵇美，東南猶一家。榮遷况寵遇，行色又光華。  
山寒馬力健，水落江聲遐。不用濺離淚，其如故苑花。

送藤文鵬還東都

南窟十餘歲，夕鴻又夜猿。非操鍊石志，安得錦衣恩。  
驛路連滄海，歸裝照大藩。明時多俊乂，君去擇危言。  
賀寶渚上人法位榮遷

聞說鶯遷樹，由來鶴出羣。天祥兼地福，魁座逼星文。  
何日虎溪水，同吟台嶺雲。才華與法要，今日誰如君。

五言排律

水村寒梅

子月荒村路，孤芳碧澗干。淡妝臨寶鏡，斜影倚琅玕。  
雨露恩何特，冰霜神自完。氣偷東候早，色帶北風寒。  
綺綴魯錢小，葳蕤漢珮珊。幽香賽蘅杜，清苦助沈檀。  
狐面長條聚，虎鬚密處攢。竒芬相覓易，妙標欲圖難。  
雪妬肌無粟，風狂臉有癩。品寧桃李比，根自虬龍蟠。



應是仙中種，最宜月下看。孤山人已去，吳苑酒空闌。  
高尚元先素，清夷誰得歡。金交惟壽菊，玉友獨猗蘭。  
但恐江樓曉，笛聲吹半殘。

正德辛卯八月十一日菊潭木公高天漪室鳩  
巢宅觀瀾服寬齋平霞洲及余會白石井使君

第賦呈諸君

嘉筵動天象，三五照文昌。聲價連城寶，衣冠大國光。  
羣龍得雲躍，瑞鳳入風翔。潘陸俱歸晉，鄒枚皆在梁。  
蔥謁初下殿，桂酒晚開堂。鳥返江霞斂，蟬鳴高柳涼。

瓊杯迎月滿，綵筆吐花香。爲報中秋近，賦成誰謝莊。

湘靈鼓琴

靈妃瑤瑟恨，千古在沅湘。明月成環珮，清波剪素裳。  
朱絃二十五，玉淚幾千行。斜雁影橫柱，悲風調入商。  
別魂天不盡，離曲夜俱長。縹緲知何處，微茫水一方。  
誰能知此怨，悵望九疑蒼。

新涼入郊墟

郊墟闌暑退，枕簟早涼新。楓岸波平晚，菱池雨浹旬。  
蟬聲飽夕露，兔影透秋旻。紈扇空相棄，燈花獨自親。



豈無潘興客徒做宋悲人更問授衣急鳴砧動比鄰

奉謝久野君賜水晶盃

嘗在畫圖見徒聞西域來奇工裁績密寵賜得瑰材  
形擬細腰鼓體擎仙掌杯凝冰鮫室淚滿月蚌中胎  
原是澄清器幸榮吟咏壘恩光無表裏飽德及蒿萊  
獻賦欲相謝羞非梁苑才

亞父碎玉斗

鴻門何危險虎口弄吞吐勝敗試俎肉死生寄劍舞  
舉玦既慷慨碎斗更憤怒片飛雪隨手方解冰成矩

志侔全璧聞義異辭金魯固知一雙玉誰萬乘主  
英斷亦何期機會柰彼豎炎德天所扶一夫豈能拒

聚故作雷

用題中一字為韻

營營羣白鳥殷殷聽輕雷霧縠雲陰暗月帷電影來  
陽聲入夜壯餘響逐風回烟畏謝仙火雨憂齊景臺  
衆煦同積怨懸瀑共喧逐誰耐殿堂上圖書倚柱開

清如玉壺冰

同上

有客比瑩徹似冰在玉壺至清豈無友純德未嘗孤  
靈透瑤臺鏡光澄滄海珠春風吹未解曉月照如無



勿使酒漿滿更藏天地殊圓規尚溫潤破碎更廉隅  
若借淮南術抱寒願報吳玉卮豈無文

玉卮無當同上

何時玄圃玉製作黃流卮欲酌疑工拙未傾想器歌  
瑜瑕何不掩纈密可無隳星巖初嬌夜月規半蝕時  
情同不實桂質比無根芝雖忘挹能往堪喻滿卮持  
若將浮白擬功過君應知

齊優開籠放所獻楚王鵠同上

專對擇齊使珍禽遺楚王圓吮隨飲啄玉羽任翱翔

聲唳青霄上影飄綠水傍芝田尋舊侶蓬嶼濯玄裳  
誰識空籠獻更因奇辨將一言侮可禦二國歡愈長  
葬馬與飛鶴滑稽名共香

水母目鰕同上

珍奇出嶺表視察每因鰕左右隨顧盼後先從正斜  
相驚舟楫過俱避藻蘊遮覆冒浮江月磔鬚躍浪花  
雖無射波勢幸免比珠誇微物休君笑至靈匪汝加  
四聰取人善往聖亦深嘉

題高雲濤假山水



半璜砌下水，一簣檐端山。誰料林丘致，總從意匠間。  
 生雲良蒼蔚，宜夏自涼潺。竹蠹仙人杖，巖歌菩薩蠻。  
 胡人無塵羶，草軟侵席錦。苔班吳臚慣，鄉味湘醪換。  
 客顏蘭襟人，舉慕柏壽孰。能攀七十身，猶健田園未。  
 擬還

次韻酬田鳳泉

蒼茫神武國，大嶽帶名川。都卜青龍地，曆傳白雉年。  
 漢官餘禮數，虞典在經筵。曹子歲開料，吏曹人得銓。  
 詩儔玉臺體，材壓香山仙。江帥學何富，晁卿名已懸。

王風漸塗地，霸者坐臨淵。難洗甲兵雨，久昏戎馬烟。  
 禁門雲幾蔽，關塞月孤圓。民物長凋弊，榮華謝艷妍。  
 文章運已厄，言色仁良。縱令致功業，何能傳簡編。  
 一朝乍通泰，羣傑欲磨肩。劉塚靈無朽，王池水始連。  
 誰知孔嘆鳳，再見揚門鱣。儒雅董生粹，經綸賈傅賢。  
 討論傾辨海，涉獵忘言筌。文廟粉牆外，泮宮綠水前。  
 青史飛班筆，葩經照鄭箋。家家誇才俊，往往仰高堅。  
 不及此時學，其如斯道湮。雄飛期鸞鷲，狂猛逐鷹鷂。  
 諸子皆乘化，厄言好遠傳。風雲喜期會，泉石或周旋。



梁苑方庶矣田郎豈歎然勿因屯蹇改不爲俗塵牽  
歲暮禰衡鶚寒侵謝朓羶列詩絳蠟惜呵硯紅爐憐  
玉恥它山石琴容流水絃清時幸努力未必待扣舷  
再用前韻酬鳳泉兼呈敬亭福川兩子  
天地英靈氣豈唯山與川元凱輔舜日伊傅相殷年  
藹藹周文宴溫溫衛武筵世誠有明喆天已奠衡銓  
豪傑須期用男兒何慕仙風雲際會合宇宙功名懸  
鸞鳳匪虛出蛟龍未必淵毫端走雷霆曾次蟠雲烟  
寧願窮將達不論方與圓行藏一夷險日月鎖嬋妍

大人當若此識者一何君誠尋至道手每在殘編  
理鑿老莊窟文磨陶謝肩雅愛冬之日明眸秋水漣  
詞高凌漢翼材大吞舟鱣休效買山隱勿傳蹈海賢  
情深求鴉炙語淺進魚筌嗟我五十後顧夫六七前  
氣凌七貴客目鄙百家箋避俗逐羊仲答賓笑孟堅  
死生已可一草木甘同湮寧曳泥中尾不期叢上鷓  
曾忘坦途履但謂荒唐傳師友邈相阻光陰倏不旋  
心田年鹵莽秦秦路茫然金虎丹無就銀臺夢徒牽  
霜侵雙白鬢雪沒舊青氈時抱揚朱泣更張董子絃



交游重相助同病應知憐諸子若求劍謹休刻我舷

...

...

...

...

...

...

...

...

...

南海先生文集卷之二終



